

Na osnovu člana 78. Statuta Društva i člana 7. Pravilnika o radu Društva, a skladu sa članom 20a. Zakona o radu FBiH („Sl. novine“ FBiH“ broj 26/16, 89/18 i 44/22), Uredbe o postupku prijema u radni odnos u javnom sektoru u Federaciji Bosne i Hercegovine („Sl. novine FBiH broj 13/19 i 9/21), Pravilnika o postupku prijema u radni odnos u dioničkom društvu Sarajevoputevi Sarajevo, Saglasnosti Federalnog ministarstva prometa i komunikacija broj 08/1-45-87/24 od 09.01.2024.godine, te ukazane poslovne potrebe za prijemom radnika, Direktor dioničkog društva Sarajevoputevi Sarajevo, Mustajbega Fadilpašića 17, Sarajevo, raspisuje dana 27.03.2024.godine:

KONKURS ZA PRIJEM U RADNI ODNOS

1. RUKOVALAC GRAĐEVINSKIM MAŠINAMA- 8332.32 (1 IZVRŠILAC) NA ODREĐENO VRIJEME UZ PROBNI RAD 3 MJESECA

Podnositelj prijave treba ispunjavati sljedeće uslove:

A) Opći uslovi:

- da je državljanin BiH (dokaz: uvjerenje o državljanstvu ne starije od 6 mjeseci)
- da nije mlađi od 18 godina (dokaz: izvod iz matične knjige rođenih na uvid prilikom intervjuja)

B) Posebni uslovi:

- KV/ III stepen – zanimanje: rukovaoc građevinskim mašinama
- Radno iskustvo na istim poslovima - minimalno godinu dana
- Sklonost timskom radu, odgovornost i pouzdanost u izvršavanju radnih zadataka

Radni odnos se zasniva na određeno vrijeme 12 mjeseci uz probni rad tri mjeseca

Opis poslova:

- Vršiti servisiranje mašina u vremenskom roku sa servisnom ekipom, a podmazivanje vrši sam po potrebi, vodi ispravno putni nalog, sprovodni list kao i prijem pogonskog goriva sa potpisom prijema, na vrijeme uočava kvarove kako bi iste otklonio na vrijeme radi manjih troškova na mašini, prati na vrijeme evidenciju tehničkog pregleda vozila i obavještava neposrednog rukovodioca o realizaciji istog, za svoj rad je odgovoran neposrednom rukovodiocu, rukuje građevinskom mašinom na kopu, separaciji, utovaru po nalogu rukovodioca, kopa, zakopava, nanosi prenos i druge poslove po radnom nalogu, održava i otklanja manje kvarove na mašini, vodi naloge o svom radu, učestvuje sa mehaničarem, serviserom, autoelektričarem i drugim stručnim zaposlenicima u servisiranju i svim opravkama utovarivača, buldozera, vodi dnevnik o ispravnosti i radu mašine, mora voditi računa da u njegovom odsustvu treće lice ne može upaliti i pokrenuti mašinu, svaki nepravilan-nemoralan rad, odnosno kvar bez odlaganja odmah prijavljuje neposrednom rukovodiocu i traži otklanjanje opravki, obavlja ostale poslove po nalogu neposrednog rukovodioci

Potrebni dokumenti:

- Prijava na konkurs sa radnom biografijom (CV)
- Potvrde ili uvjerenja dosadašnjih poslodavaca kao dokaz o traženom radnom iskustvu, (ovjerena kopija ili original)/ poželjno dostaviti i preporuku
- Dokazi koji dokazuju status demobiliziranog branioca ili člana porodice

- demobiliziranog branioca
- Diploma o završenoj školi kao dokaz o stepenu stručne spreme
- Kopiju vozačke dozvole

Urednom prijavom na javni oglas smatra se prijava koja je potpisana od strane podnosioca i na kojoj je naznačeno radno mjesto na koje se prijavljuje.

Nepotpisana prijava je neuredna prijava i neće biti uzeta u razmatranje.

Uz prijavu u originalu ili ovjerenim fotokopijama, prilažu se dokazi naznačeni u javnom oglasu. Potpunom prijavom smatra se prijava uz koju su priloženi svi dokazi o ispunjavanju općih i posebnih uslova naznačeni u javnom oglasu, za prijem u radni odnos. Demobilizirani branioc i članovi porodice demobiliziranog branioca (roditelji, bračni partner i djeca koja žive u zajedničkom domaćinstvu sa demobiliziranim braniocem do navršene 25 godine života) da bi mogli ostvariti prednost prilikom zapošljavanja pod jednakim u uslovima u skladu sa Zakonom o pravima demobiliziranih branilaca i članova njihovih porodica, kandidati su dužni uz prijavu na oglas, pored ostalih dokaza dostaviti i dokaz da se vodi na evidenciji nezaposlenih lica i dokaz (potvrda, uvjerenje) kojim dokazuju status demobiliziranog branioca ili člana porodice demobiliziranog branioca i CIPS - prijavu prebivališta demobiliziranog branioca, ukoliko je kandidat član porodice demobiliziranog branioca.

Kandidat koji bude izabran dužan je dostaviti Uvjerenje o zdravstvenoj sposobnosti za obavljanje poslova propisanih za radno mjesto za koje se zaključuje ugovor o radu.

Posebni uslovi utvrđeni javnim oglasom dokazuju se na način kako slijedi:

- Stručna sprema: Diploma i svjedočanstvo o završenim razredima
- Radno iskustvo: U slučaju kada kandidat dokazuje radno iskustvo potvrdom prethodnog poslodavca prijava će se smatrati potpunom ako pored osnovnih podataka o kandidatu sadrži podatke na kojim poslovima je radio ili radi, sa kojom stručnom spremom i sa precizno navedenim periodom angažovanja. Ukoliko kandidat dokazuje radno iskustvo Uvjerenjem porezne uprave –prijavno- odjavni segment ili Uvjerenjem Federalnog zavoda za penzijsko –invalidsko osiguranje (Kantonalna administrativna služba) prijava će se smatrati potpunom ako sadrži podatke na kojim poslovima je radio ili radi, sa kojom stručnom spremom i sa precizno navedenim periodom angažovanja.
- Ostali uslovi utvrđeni javnim oglasom dokazivat će se relevantnim dokumentima iz kojih se može utvrditi da kandidat posjeduje tražena znanja i sposobnosti – kopija vozačke dozvole.

Konkurs ostaje otvoren 14 (četrnaest) dana od dana objave.

Nepotpune, neblagovremene i neuredne prijave, kao i kopije tražene dokumentacije koje nisu ovjerene neće se uzimati u razmatranje.

Prijave na konkurs slati na adresu:

**„Sarajevoputevi“ d.d. Sarajevo
Mustajbega Fadilpašića br. 17
71 000 Sarajevo**

Uz naznaku:

„Prijava na konkurs za radno mjesto Rukovalac građevinskim mašinama- ne otvarati“



**“SARAJEVOPUTEVI” D.D. SARAJEVO
MUSTAJBEGA FADILPAŠIĆA BR. 17
71000 SARAJEVO**

**Tel: +387 (0) 33 667 499
Fax: +387 (0) 33 667 500
E-mail: info@saputevi.ba
www.saputevi.ba**